

Bwrdd Cyfarwyddwyr y Coleg Cymraeg Cenedlaethol

Dydd Mercher, 18 Mehefin 2014

9.30 – 12.45

Campws Cyncoed, Prifysgol Fetropolitan Caerdydd

Yn bresennol:

Cyfarwyddwyr:

Andrew Green (Cadeirydd)
Yr Athro Jerry Hunter, Cyfarwyddwr Sector Addysg Uwch
Geraint James, Cyfarwyddwr Annibynnol (tan 11.00)
Dr Hefin Jones, Cyfarwyddwr yn cynrychioli staff academiaidd / Deon y Coleg
Dr Rhodri Llwyd Morgan, Cyfarwyddwr Sector Addysg Uwch
Yr Athro Hywel Thomas, Cyfarwyddwr Sector Addysg Uwch
Linda Wyn, Cyfarwyddwr Annibynnol

Sylwedydd:

Dr Cliona O'Neill, Cyngor Cyllido Addysg Uwch Cymru (CCAUC/HEFCW)

Swyddogion:

Dr Ioan Matthews, Prif Weithredwr, Coleg Cymraeg Cenedlaethol
Dr Dafydd Trystan, Cofrestrydd, Coleg Cymraeg Cenedlaethol
Nia Brown, Swyddog Datblygu, Coleg Cymraeg Cenedlaethol

Ymddiheuriadau:

Yr Athro Iwan Davies, Cyfarwyddwr Sector Addysg Uwch
Jacqui Hare, Cyfarwyddwr Sector Addysg Uwch
Stephanie Lloyd, Cyfarwyddwr yn cynrychioli myfyrwyr
Dr Catrin Thomas, Cyfarwyddwr Sector Addysg Uwch
Ieuan Wyn, Cyfarwyddwr Annibynnol
Rachel Cable, sylwedydd AUC
Jacob Ellis, sylwedydd, UCMC Cymru

Eitem	Prif bwyntiau trafod	Pwyntiau gweithredu	Cyfnod amser
<p>1. Croeso a chyflwyniad</p>	<p>1.1 Estynnwyd croeso i'r aelodau i Brifysgol Fetropolitan Caerdydd.</p> <p>1.2 Cafwyd cyflwyniad gan Daniel Tiplady, Swyddog Cangen y Coleg ym Mhrifysgol Fetropolitan Caerdydd. Diolchwyd iddo am ei gyflwyniad cynhwysfawr a oedd yn arddangos cynnydd y ddarpariaeth cyfrwng Cymraeg o fewn y sefydliad ond hefyd yn nodi dibyniaeth y sefydliad ar gefnogaeth y Coleg i gynnal y ddarpariaeth newydd yn y dyfodol.</p>		
<p>2. Sylwadau agoriadol y Cadeirydd</p>	<p>2.1 Derbyniwyd ymddiheuriadau i'w cynnwys yn y cofnodion. Nodwyd pwysigrwydd presenoldeb yr aelodau er mwyn sicrhau cworwm yn y cyfarfodydd.</p> <p>2.2 Estynnwyd llongyfarchiadau i Linda Wyn ar ei phenodiad fel Pennaeth Coleg Meirion Dwyfor.</p> <p>2.3 Cafwyd cyflwyniad gan y Cadeirydd ar ei waith ers dechrau yn y rôl ar 1 Ebrill 2014. Adroddodd ei fod yn cynnal cyfarfodydd cyson â'r Prif Weithredwr, a bod y Prif Weithredwr ac yntau wedi cyfarfod â Huw Lewis AC, y Gweinidog Addysg a Sgiliau, a Dr David Blaney, Prif Weithredwr y Cyngor Cyllido. Adroddwyd hefyd ar ymweliadau â Phrifysgol Aberystwyth (gan gynnwys cyfarfod gyda'r Is-Ganghellor, yr Athro April McMahon) a Phrifysgol Abertawe. Roedd y Cadeirydd hefyd wedi gwneud sawl cyfweliad gyda'r cyfryngau.</p> <p>2.4 Cafwyd diweddariad ar seminar a gynhaliwyd y noson gynt gydag Old Bell 3 a Dateb sydd yn cynnal Gwerthusiad o'r Coleg ar ran y Cyngor Cyllido. Cyflwynodd yr ymgynghorwyr eu hargraffiadau cychwynnol gan nodi fod y gwaith yn parhau. Nodwyd yr amserlen ar gyfer cwblhau'r gwaith, a fydd yn cynnwys cyfle i swyddogion y Coleg a'r Cadeirydd i wirio'r adroddiad drafft o ran</p>		

	cywirdeb ffeithiol cyn diwedd Gorffennaf 2014.		
3. Datganiadau o ddiddordeb	<p>3.1 Atgoffwyd yr aelodau o'r drefn lle gofynnir i aelodau nodi ar y daflen arwyddo presenoldeb unrhyw ddatganiadau o ddiddordeb ychwanegol at y rheiny a nodwyd eisoes yn y Gofrestr Buddiannau.</p> <p>3.2 Nid oedd unrhyw ddatganiadau heblaw'r rhai sydd eisoes wedi eu cofnodi.</p>		
4. Derbyn ac ystyried cofnodion cyfarfod 19 Chwefror 2014	4.1 Derbyniwyd y cofnodion fel cofnod cywir o'r cyfarfod a gynhaliwyd ar 19 Chwefror 2014.		
5. Gohebiaeth	5.1 Derbyniwyd gohebiaeth gan Brifysgol Cymru: y Drindod Dewi Sant yn gwahodd y Coleg i adleoli i swyddfeydd newydd S4C yng Nghaerfyrddin yn 2018. Cytunwyd y dylid ymateb i'r ohebiaeth gan ddatgan bod gan y Coleg ddiddordeb ond nad yw mewn sefyllfa ar hyn o bryd i drafod unrhyw fanylion gan nad yw'r gyllideb ar gyfer y cyfnod wedi 31 Mawrth 2017 yn wybyddus.	Ymateb i'r DDS	Haf 2014
6. Materion Cyfansoddiadol	<p>6.1 <u>Trafodaeth Gaeëdig</u> Ar gyfer yr eitem hon gadawodd Linda Wyn yr ystafell. Ystyriwyd a derbyniwyd argymhelliad y Pwyllgor Penodiadau i ail-benodi Linda Wyn fel Cyfarwyddwr Annibynnol ar gyfer tymor pellach o dair blynedd 2014-17. Ar y pwynt hwn dychwelodd Linda Wyn i'r cyfarfod.</p> <p>6.2 Yn sgil penodi Andrew Green, fel Cadeirydd y Coleg, eglurwyd bod angen penodi Cyfarwyddwr Annibynnol. Er mwyn sicrhau croestoriad meysydd ar y Bwrdd argymhellwyd y dylai'r Cyfarwyddwr Annibynnol newydd feddu'n ddelfrydol ar brofiad yn un neu fwy o'r meysydd canlynol: hyfforddiant cychwynnol</p>	Hysbysebu ar gyfer Cyfarwyddwr Annibynnol	Haf 2014

	<p>athrawon, sector uwchradd, a dysgu drwy gyfrwng y Gymraeg mewn prifysgol. Derbyniwyd a chymeradwywyd yr amserlen penodi yn ystod Gorffennaf 2014 er mwyn i'r Cyfarwyddwr Annibynnol ddechrau yn y rôl cyn gynted â phosibl.</p> <p>6.3 Nodwyd ymddiswyddiad Stephanie Lloyd, fel Cyfarwyddwr yn cynrychioli myfyrwyr, ar ddiwedd Mehefin 2014, ac mai dyma fyddai ei chyfarfod olaf. Derbyniwyd a chymeradwywyd yr amserlen ar gyfer penodi olynnydd.</p> <p>6.4 Cymeradwywyd ail-benodi Rhiannon Lloyd ar gyfer tymor pellach o dair blynedd (hyd at 31 Gorffennaf 2017) ar Bwyllgor Penodiadau'r Coleg.</p> <p>6.5 Cymeradwywyd sefydlu Gweithgor i adolygu Cyfansoddiad y Coleg i gynnwys yr Athro Iwan Davies (Cadeirydd), Cadeirydd y Bwrdd, y Prif Weithredwr a Geraint James.</p> <p>6.6 Cymeradwywyd sefydlu Pwyllgor Anrhydeddau i ystyried enwebiadau ar gyfer urddo Cymrodyr y Coleg i gynnwys Cadeirydd y Coleg, Deon y Coleg, y Prif Weithredwr, aelod o'r Bwrdd Academaidd a chynrychiolydd myfyrwyr. Cyflwynir argymhellion i'r Bwrdd Cyfarwyddwyr i'w cymeradwyo. Nodwyd, er gwybodaeth, fod y Bwrdd Academaidd eisoes wedi derbyn gwahoddiad i gynnig enwebiadau ac y byddai gwahoddiad i'r Cyfarwyddwyr enwebu yn ogystal erbyn diwedd tymor yr haf.</p>		
		Sefydlu Gweithgor	Haf 2014
		Sefydlu Pwyllgor Anrhydeddau	Haf 2014
		Swyddog Datblygu i gylchredeg gwahoddiad i enwebu	Mehefin 2014
<p>7. Pwyllgor Archwilio</p> <p>(BC/14/02/06)</p>	<p>7.1 Derbyniwyd cofnodion y Pwyllgor Archwilio a gynhaliwyd ar 18 Chwefror 2014.</p> <p>7.2 Cafwyd adroddiad llafar gan Geraint James, Cadeirydd y Pwyllgor, ar y cyfarfod a gyfarfu'r prynhawn cynt (17 Mehefin) a oedd yn cynnwys adroddiad cynnydd ac adroddiadau gan yr archwilwyr mewnol ar brosesau adnoddau dynol a rheoli mewnol y Coleg.</p>		

	7.3 Adroddwyd y byddai'r archwilwyr mewnol yn paratoi adroddiadau ar y Gofrestr Risg erbyn y cyfarfod nesaf.	Archwilwyr mewnol i gyflwyno adroddiadau	Tachwedd 2014
8. Adroddiad y Prif Weithredwr (BC/14/02/07)	<p>8.1 Derbyniwyd adroddiad ysgrifenedig gan y Prif Weithredwr.</p> <p>8.2 Diweddariadau ar faterion perthnasol yn codi o gyfarfod y Bwrdd Cyfarwyddwyr ar 19 Chwefror 2014:</p> <ul style="list-style-type: none"> • <u>Gwasg Prifysgol Cymru</u>. Adroddwyd yn dilyn cais gan y Wasg am nawdd i gyhoeddi dwy gyfrol bod y Coleg wedi cynnig cyfraniad, heb osod cynsail, tuag at y costau. Bydd y Grŵp Ymchwil a Chyhoeddi'n cadw llygad ar y sefyllfa ac yn trafod gyda chyrrff eraill megis Cymdeithas Ddysgedig Cymru. • <u>Cyngor Merthyr ac Ysgol Rhydywaun</u>. Adroddwyd y deallir bod Cyngor Merthyr wedi gwyrddroi'r penderfyniad ynghylch costau cludiant disgyblion i Ysgol Rhydywaun. • <u>Cynllun Strategol</u>. Adroddwyd y cyhoeddwyd cylchlythyr ymgynghorol yn cynnwys drafft terfynol o'r Cynllun Strategol ar 12 Mai 2014 gan wahodd ymatebion erbyn 12 Mehefin 2014. Cyflwynwyd yr ymatebion yn ddiweddarach yn y cyfarfod (18 Mehefin 2014). • <u>Hyfforddiant Cychwynnol i Athrawon</u>. Adroddwyd bod llythyr gorchwyl CCAUC yn cynnwys cais i'r Coleg weithredu rhai o'r argymhellion a gyflwynwyd yn yr adroddiad i Lywodraeth Cymru ddiwedd Gorffennaf 2013 a bod Grŵp Llywio'n cael ei sefydlu er mwyn cyflawni'r gwaith yn ystod 2014/15. • <u>Memorandwm o Ddealltwriaeth rhwng y Coleg a Cholegau Cymru</u>. Adroddwyd y cynhelir cyfarfod ym mis Gorffennaf i adolygu cynnydd y chwe phrosiect peilot yn y sefydliadau addysg bellach. Bwriedir datblygu'r berthynas rhwng Colegau Cymru a'r Coleg yn ystod 2014/15. <p>8.3 Datblygiadau cyfredol eraill:</p>		

	<ul style="list-style-type: none"> • <u>Materion Staffio.</u> Adroddwyd bod Dr Gwennan Schiavone, Uwch Reolwr Academaidd, yn parhau ar gyfnod mamolaeth a Catherine Rees, Uwch Reolwr Materion Corfforaethol ac Ysgrifennydd yn dychwelyd i'r gwaith, ar ôl llawdriniaeth, fis Gorffennaf. Adroddwyd ymhellach bod un aelod o staff ar absenoldeb di-dâl am dri mis wrth deithio, y bydd un aelod o staff ar gyfnod mamolaeth o fis Tachwedd ac y penodwyd Marc Haynes fel Cydlynnydd Wicipedia (swydd wedi ei chyllido gan gyllid allanol). • <u>Cyfarfodydd Strategol.</u> Ategwyd at sylwadau agoriadol y Cadeirydd ynghylch sefydlu patrwm rheolaidd i gyfarfodydd misol rhwng y Cadeirydd a'r Prif Weithredwr yn ogystal â chyfarfodydd gyda'r Gweinidog Addysg a Sgiliau, y Cyngor Cyllido a rhai o'r sefydliadau. • <u>Perthynas y Coleg â'r sefydliadau addysg uwch.</u> Nodwyd y gohiriwyd cyfarfod blynyddol rhwng y Coleg ac Addysg Uwch Cymru. Yn sgil newidiadau cyfansoddiadol a gyflwynwyd ym Mhrifysgol Aberystwyth ynghylch cynrychiolaeth Cangen y Coleg ar bwyllgorau'r brifysgol bwriedir cynnal trafodaethau gyda sefydliadau eraill i ystyried trefniadau tebyg. • <u>Cynllunio Academaidd a Niferoedd Myfyrwyr.</u> Nodwyd fod y Bwrdd Academaidd wedi cytuno ar amserlen cwblhau'r cynlluniau pynciol erbyn ei gyfarfod ar 15 Hydref 2014. Nodwyd bod y Cofrestrydd yn paratoi adroddiad ar ddata 2012/13 ac y byddai'n cyflwyno adroddiad i'r Bwrdd Academaidd a'r Bwrdd Cyfarwyddwyr maes o law. • <u>Tystysgrif Sgiliau Iaith.</u> Cynigiwyd y dystysgrif am yr eildro eleni gan gynnal yr asesiad ysgrifenedig ar 7 Mai 2014. Cwblhawyd yr asesiad gan 157, sef cynnydd o 117 ers 2012/13. • <u>Cynhadledd Ryngwladol y Coleg.</u> Nodwyd fod rhaglen lawn wedi'i drefnu ar y thema 'Pa le i'n hiaith mewn addysg uwch?' ar gyfer y Gynhadledd a gynhelir ar 1-3 Gorffennaf 2014. • <u>Ysgoloriaeth William Salesbury.</u> Dyfarnwyd yr ysgoloriaeth gyntaf i Megan Lewis, sydd wedi ei derbyn i astudio ym 	<p>Dosbarthu data 2012/13</p>	<p>Cyn diwedd 2014</p>
--	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-------------------------------	------------------------

	<p>Mhrifysgol Aberystwyth.</p> <p>8.4 Risgiau a chyfleoedd:</p> <ul style="list-style-type: none"> • Nodwyd y prif risgiau o'r Gofrestr Risg yn yr adroddiad. • Nodwyd bod risg sylweddol newydd sef dyfodol y buddsoddiad yn y cynllun staffio. Eglurwyd bod y Coleg wedi cynnal cyfarfodydd unigol gyda'r sefydliadau yn ystod mis Mawrth 2014 i asesu'r sefyllfa gyfredol a'r opsiynau posibl ar gyfer parhad swyddi tu hwnt i ddiwedd y tymor cyllido cychwynol . <p>8.5 Adroddiadau ar weithgareddau (Chwefror – Mehefin 2014):</p> <ul style="list-style-type: none"> • Derbyniwyd rhestr, er gwybodaeth, o weithgareddau a chyfarfodydd a fynychwyd gan y Prif Weithredwr yn ystod y cyfnod 19 Chwefror 2014 hyd 10 Mehefin 2014. 		
9. Adroddiadau gan Gyfarwyddwyr	<p>9.1 Cafwyd adroddiad llafar gan Dr Rhodri Llwyd Morgan ar y gwaith canlynol ym Mhrifysgol Aberystwyth, sef: i) creu cynllun iaith cyfannol ii) creu cynllun academiaidd cyfrwng Cymraeg a iii) canolfan Cymraeg a diwylliant Pantycelyn.</p> <p>9.2 Cafwyd adroddiad llafar gan Linda Wyn ar brosiect a noddir gan y Coleg. Cynhelir Ysgol Haf ar 17 Awst 2014 rhwng Prifysgol Bangor a Grŵp Llandrillo Menai.</p>		
10. Cynllun Strategol (BC/14/02/09)	<p>10.1 Cynhaliwyd trafodaeth a chafwyd awgrymiadau ar y drafft terfynol a gylchredwyd ar gyfer ymgynghoriad ar 12 Mai 2014 a'r ymatebion.</p> <p>10.2 Trafodwyd ac ystyriwyd y targedau a awgrymwyd yn atodiad A.</p> <p>10.3 Rhoddwyd awdurdod i'r swyddogion ystyried unrhyw faterion a godir o'r Gwerthusiad i'w hadlewyrchu yn y Cynllun Strategol.</p>	Cymeradwyo'r cynllun strategol drwy ohebiaeth	Haf 2014

	10.4 Cytunwyd y byddai'r Cyfarwyddwyr yn gallu cymeradwyo fersiwn terfynol y Cynllun Strategol drwy ohebiaeth.		
11. Cynllun Gweithredu 2014/15 (BC/14/02/10)	11.1 Cyflwynwyd drafft o'r Cynllun Gweithredu ar gyfer 2014/15 gan y Prif Weithredwr a chytunwyd ar ei ffurf newydd. 11.2 Cytunwyd i'w adolygu a'i ddosbarthu yn sgil newidiadau i'r Cynllun Strategol.	Adolygu a dosbarthu	Haf 2014
12. Cynllun Gweithredu 2013/14 (BC/14/02/11)	12.1 Cyflwynwyd adroddiad terfynol ar Gynllun Gweithredu ar gyfer 2013/14 gan y Prif Weithredwr. Nodwyd man ddiweddariadau gan gynnwys (i) y bydd adolygiad o <i>Gwerddon</i> yn yr Hydref, (ii) bod cylchlythyr Sefydlu Grŵp Llywio i gyflawni gwaith yn ymwneud â Hyfforddiant Cychwynnol Athrawon (gweler Llythyr Gorchwyl y Coleg gan y Cyngor Cyllido) ar fin ei gylchredeg a (iii) bod cyfarfod gyda Chadeirydd Addysg Uwch Cymru wedi'i ohirio tan yr Hydref.	Diweddaru'r Cynllun Gweithredu	Haf 2014
13. Materion Cyllid (BC/14/02/12)	13.1 Cyflwynwyd llythyr gorchwyl y Coleg gan CCAUC, er gwybodaeth. Cytunwyd y dylid cynnal trafodaeth ar holl agweddau dyfarnu swyddi o Gynllun Staffio Academaidd y Coleg yn ystod tymor yr hydref 2014. 13.2 Cafwyd cyflwyniad ar gyllideb y Coleg ar gyfer 2014/15 gan y Cofrestrydd. Eglurwyd nad oedd y gyllideb wedi newid yn sylweddol ers i'r Bwrdd gymeradwyo'r gyllideb ddrafft yng nghyfarfod 19 Chwefror 2014.	Trafod cyllido	Hydref 2014
14. Bwrdd Academaidd	14.1 Cafwyd adroddiad llafar gan y Deon, Dr Hefin Jones, ar gyfarfod y Bwrdd Academaidd a gynhaliwyd ar 7 Mai 2014. 14.2 Adroddodd y Deon ei fod wedi ymweld â phob sefydliad yn ystod		

	<p>y flwyddyn academaidd gan ymweld â'r canghennau a deiliaid swyddi.</p> <p>14.3 Nodwyd, er gwybodaeth, fod y Bwrdd Academaidd wedi addasu ei Gylch Gorchwyl i gynnwys Swyddog Iaith Gymraeg UCMC fel aelod.</p> <p>14.4 Cafwyd diweddariad ar y sefyllfa mewn perthynas â llunio cynlluniau pynciol. Nodwyd bod trichwarter wedi'u cwblhau a bod saith wedi'u cyfieithu ac ar y wefan.</p> <p>14.5 Eglurwyd mai proses gwerthuso'r cynlluniau pynciol fyddai eu hadolygu'n y paneli'n flynyddol a chyflwyno adroddiad i'r Bwrdd Academaidd bob tair blynedd. Bydd y broses hon yn cynnwys asesiad gan aelod o'r Bwrdd Academaidd ac aelod allanol.</p> <p>14.6 Nodwyd yn ogystal ddatblygiadau ym maes Astudiaethau Cyfieithu, gwaith y Cydlynedd Wicipedia, trafodaethau'r Pwyllgor Cydweithio Academaidd a dyfarniadau Ysgoloriaethau Ymchwil.</p> <p>14.7 Nodwyd y disgwylir adroddiad ar sefydlu'r is-bwyllgor ehangu mynediad dan gadeiryddiaeth Delyth Murphy yn y cyfarfod nesaf.</p> <p>14.8 Cyfeiriwyd at arfer da yn y canghennau a'r awgrym i rannu rhaglenni a seminarau ymysg ei gilydd.</p> <p>14.9 Diolchwyd i'r Deon am ei adroddiad ac am fuddsoddi cyfran mor helaeth o'i amser i waith y Coleg.</p>		
<p>15. Materion Academaidd (BC/14/02/14)</p>	<p>15.1 Cyflwynwyd papur ar ddyfodol swyddi a gyllidir drwy'r Cynllun Staffio gan y Prif Weithredwr. Nodwyd cynnwys y papur gyda chryn gonsyrn a chytunwyd i drafod y mater ymhellach yn y seminar yng Ngregynog fis Hydref 2014.</p> <p>15.2 Ystyriwyd a derbyniwyd yr argymhelliad i sefydlu Panel Grantiau</p>	Trafod y Cynllun Staffio	Hydref 2014

	sefydlog. Cymeradwywyd dirprwyo'r awdurdod i'r Cadeirydd i gymeradwyo proses penodi ac aelodaeth y Panel Grantiau..		
16. Ysgoloriaethau Rhan Amser (BC/14/02/15)	<p>16.1 Cyflwynwyd papur ar Ysgoloriaethau Rhan Amser gan y Cofrestrydd. Cydnabuwyd cymorth yr Athro Jerry Hunter a Dr Rhodri Llwyd Morgan gyda'r trafodaethau i gytuno ar ffi gyffredin ar gyfer modiwlau a gynigir drwy'r cynllun gan brifysgolion Aberystwyth a Bangor. Derbyniwyd yr argymhelliad i gynnig Ysgoloriaethau Rhan Amser yn ystod 2014/15 gyda chyllideb o hyd at £10,000.</p> <p>16.2 Cytunwyd i ddarparu adroddiad cynnydd ar ôl i'r cynllun ddechrau.</p>	Darparu adroddiad cynnydd	Gwanwyn/Haf 2015
17. Materion yn codi	<p>17.1 <u>Eitem 6.5 Cofrestru myfyrwyr cyfrwng Cymraeg.</u> Yn dilyn yr argymhelliad a wnaed yn y cyfarfod blaenorol, nodwyd bod y cylchlythyr wedi'i ddsbarthu ar 12 Mehefin 2014 gyda gwahoddiad i'r sefydliadau ymateb erbyn 21 Gorffennaf 2014.</p> <p>17.2 <u>Eitem 17.1 Tasglu Adnoddau Digidol Ar-lein Llywodraeth Cymru.</u> Cafwyd cadarnhad bod yr adroddiad wedi ei gyhoeddi gan y Llywodraeth.</p>		
18. UFA	<p>18.1 Nodwyd y byddai cyflwyniad i'r Athro R Merfyn Jones, i gydnabod ei gyfraniad fel Cadeirydd y Coleg, mewn derbyniad yn y Gynhadledd Ryngwladol ar 1 Gorffennaf 2014.</p> <p>18.2 Nodwyd yn ogystal y byddai cyflwyniad i'r Athro Ioan Williams, ar achlysur ei ymddeoliad fel Golygydd <i>Gwerddon</i>, ar yr un achlysur.</p>		
19. Dyddiad a	19.1 Nodwyd y bwriad o gynnal seminar ar gyfer y Cyfarwyddwyr yn		

<p>Ileoliad y cyfarfod nesaf</p>	<p>yr hydref yng Ngregynog ac y cylchredir dyddiadau posibl yn ystod y dyddiau nesaf.</p> <p>19.2 Cynhelir cyfarfodydd nesaf y Bwrdd Cyfarwyddwyr ar gyfer 2014/15 fel a ganlyn:</p> <ul style="list-style-type: none"> • 26 Tachwedd 2014, Aberystwyth • 4 Mawrth 2015, Bangor • 17 Mehefin 2015, Abertawe <p>19.3 Diolchwyd i'r cyfieithwyr ar y pryd am eu gwaith ac i staff swyddfa gynadleddau Prifysgol Fetropolitan Caerdydd am eu cymorth am drefnu a lletya'r cyfarfod.</p>		
-----------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--	--